

# L I G J

Nr.8526, date 23.9.1999

## **PER DISA SHTESA DHE NDRYSHIME NE LIGJIN NR.7874, DATE 17.11.1994 "PER STATUSIN E VETERANIT TE LUFTES KUNDER PUSHTUESVE NAZIFASHISTE TE POPULLIT SHQIPTAR"**

Ne mbeshtetje te neneve 78 dhe 83 pika 1 te Kushtetutes, me propozimin e Keshillit te Ministrave

### **K u v e n d i i Republikes se Shqiperise**

#### **V E N D O S I :**

Ne ligjin nr.7874, date 17.11.1994 behen keto shtesa e ndryshime:

#### **Neni 1**

Titulli i ligjit nr.7874, date 17.11.1994 "Per statusin e veteranit te luftes kunder pushtuesve nazifashiste te popullit shqiptar" ndryshon si vijon:

"Per statusin e veteranit te Luftes Antifashiste Nacionalçlirimtare te popullit shqiptar."

#### **Neni 2**

Neni 2 ndryshohet si vijon:

"Statusin e veteranit te Luftes Antifashiste Nacionalçlirimtare e perfitojne shtetasit shqiptare e te huaj, qe kane marre pjese me arme ne dore ne Luften Antifashiste Nacionalçlirimtare kunder pushtuesve nazifashiste dhe bashkepunetoreve te tyre, qe nga 7 prilli i vitit 1939 deri me 29 nentor 1944; luftetaret e inkuadruar ne ato njesi te Ushtrise Nacionalçlirimtare, qe luftuan jashte kufijve tane shteterore deri me 9 maj 1945; ata qe kane zhvilluar veprimtari te organizuar antifashiste nacionalçlirimtare ne ilegalitet, ne prapavije te armikut e ne zonat e çliruara; kryefamiljaret e atehershem te familjeve te njohura si baza te Luftes Antifashiste Nacionalçlirimtare; te burgosurit antifashiste dhe te internuarit ne burgjet dhe ne kampet nazifashiste brenda dhe jashte vendit, si dhe shtetasit shqiptare, qe kane marre pjese aktive ne lufte kunder nazifashizmit ne vende te tjera."

#### **Neni 3**

Ne nenin 3 behen keto shtesa dhe ndryshime :

- Shkronja "d" ndryshon si vijon:

"Me çdo dokument tjetër zyrtar, me burim arkivor te referuar qarte, i cili verteton pjesemarrjen ne Luften a ne Levizjen Antifashiste Nacionalçlirimtare."

- Ne shkronjen "dh" shtohet nje paragraf me kete permbajtje:

"Per raste te veçanta, kur ka mungesa objektive, vendos Komisioni Qendror i Statusit te Veteranit te Luftes Antifashiste Nacionalçlirimtare."

- Pas shkronjes "dh" shtohet shkronja "e" me kete permbajtje:

"Plagosja, per efekt te statusit te veteranit te Luftes Antifashiste Nacionalçlirimtare, mund te vertetohet edhe me vertetim te komisionit te spitalit qendror te ushtrise dhe me nje

dokument te arkivave shteterore (ose me tri deklarata te bashkeluftetareve per rrethanat e plagosjes)."

#### **Neni 4**

Ne nenin 4, pas paragrafit te fundit shtohet nje paragraf me kete permbajtje:  
"Kur kerkuesi qe nuk i eshte drejtuar gjykates, pas vendimit te Komisionit Qendror, paraqet disa dokumente te reja, dosja e tij rishqyrtohet nga ky komision. Te drejten e rishqyrtimit e kane edhe kerkesat e pashqyrtuara te veteraneve te depozituara prane Ministrise se Mbrojtjes."

#### **Neni 5**

Neni 6 ndryshon si vijon:

"Statusi i veteranit nuk u njihet ose u hiqet personave qe jane denuar ose denohen me vendim gjykate te formes se prere, per krime lufte, per bashkepunim me pushtuesit nazifashiste ose per veprimtari agjenturore kunder interesave te atdheut."

#### **Neni 6**

Ne nenin 8, ne fund te paragrafit te pare shtohet edhe nje fjali me permbajtjen e meposhtme:  
"Nje shperblim shtese jepet per te burgosurit politike antifashiste."

#### **Neni 7**

Ne nenin 9 shtohen dy paragrafe me kete permbajtje:

"Shteti financon organizatat e veteraneve te Luftes Antifashiste Nacionalçlirimtare dhe organizatat e tjera te veteraneve te kesaj lufte.

Masa vjetore e financimit percaktohet ne buxhetin e shtetit. Ministria e Mbrojtjes ben ndarjen e fondit, bazuar ne numrin e anetareve te çdo organizate qe ka perfituar statusin e veteranit te luftes.

#### **Neni 8**

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr.2450, date 5.10.1999 te Presidentit te Republikes se Shqiperise,  
Rexhep Meidani